

maakari kani rong mataa ararira

'esi na Kaosiung Menung 'una ucani cimuru, capai cimuru iisua ia, makai kani “rong”. aranai navungu in matarava icici.

mapunaru macasu cimuru, pasiun cu cau sua cimuru iisua “龍山” kisaun. capici cimuru neesua 'una pa ucani cimuru. sua capai in ia, makai kani ararira, “龜山” kisaun cau ka'inia. 'akia 'inia cacanu miana, noo tiain mukusa sanivaria cimuru ia, tia pa mutapitapiku cacanu. iimua tia maraa macasu takananga mucaca.

miaa Ripuun pa citai ia, noo tiain aranai Menung mukusa Rakuri sua cacanu ia tia maica na 龍山 tamna icici. tapikupiku mataa araceni. meesua 'itumuru cakusu karu mataa karu rangrang na cimuru iisua. pacupungu cau Ripuun, tia mangutunu karu iisua mapu'a. iimua, tia kacacanu masii tavara'un cu tacucuun parapiningi sua karu.

aranai tia matiananai kacacanu, 'una cu niinparuparu arapipining. nimikaru kacaua cau moon 'inia kumakokoru kacacanu. nakai noo cu'ugun nura ia , 'akia kamucu nikorua cacanu. nipui'i cimuru makai masiraru capain. maka'unaa marisusuna kacau cau pacuvungu moon 'inia kumakoru kacacanu. nakai maatua pa sua nikorua 'unai, akini taniara nipui'i

kavangvang. 'akia nikamanungua. cucuru mamumuku cau! ka'anu cu tavara'u tia pakunnu?

meesua'una kani na sikara cimuru “turikoong”. 'apaica nguani niurina musu'unu na turikoong. koo miaranau, pusu'ucuru sua sikiningi kacacanu cau. 'esi kani makari 龍山 mataa 龜山 “neni vanai cau tia kumakokoru cimuru. noo tia kacacanu ia tia takusuru masi ka'aanu miakaka cimuru. cucuruana cau naturu, ka'anu tavara'u makananu 'iintasu maku!”

takutavara'u kacacanu cau . noo kumakoru kacacanu ia, tia atunungu ucuru iisua. cucuruava! aranai meesua, 'akia cu kani niinparu arapipining.

(文章大意 僅供參考) ※字數限 200 字

龍與龜的對話

高雄美濃有座山，形狀像「龍」，當地人稱為「龍山」。附近有座山，形狀像烏龜，當地人稱它為「龜山」。日本時代要從美濃去六龜須經龍山尾部，那邊產有樟樹及其他有價值的樹，決定開路後，接連怪事，路都會不見，龍山回復原貌，眾人很困惑。

聽說山裡有座「土地公」，負責人依習俗帶祭品酒水前往祭拜。沒過多久，就夢到龍神與龜神對話：「你們為什麼要挖山？」「來往的人要繞道啊！」「人類真是笨啊！不知道我有多厲害！」等。大家得知後，往後每當工作時，就記得那夢境。那些怪事再無發生。